



**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

5. De excessu amoris à Christo in vltima cœna. Ioan. 13

[urn:nbn:de:hbz:466:1-60091](#)

De excessu amoris à Christo in ultima v.
cœna exhibiti. Ioan. 13.

Cum dilexisset suos qui erant in mundo,
in finem dilexit eos. Posset hic ex-
pendi triplex excessus dilectionis
Christi erga suos discipulos, omnesq;
electos, seu triplex zelus eximiæ eo-
rum perfectionis, quem transiturus
ex hoc mundo, in ultima cœna mani-
festauit.

I. Quomodo Filius Dei ab æterno
hunc amoris excessum erga suos futu-
ros discipulos, electosque omnes &
singulos exercuerit, offerendo se æter-
no Patri in assumpta carne paratum ad
eos purgandos, seu à peccatis & im-
perfectionibus omnibus tantâ profu-
sione non solum lacrymarum & sudo-
ris, sed & pretiosi Sanguinis abluen-
dos; ad illos illuminandos, seu verbo
& exemplo ad assiduum solidarum
virtutum studium excitandos; de-
mum ad eosdem perficiendos, seu fi-
ni suo ultimo per ardentissimum a-
morem, absolutissimamque resigna-
tionem vniendos: idque ex immen-
so, infinito, æterno, gratuitoq; amo-
re ma-

re maioris eorum perfectionis in via, amplioris gratiae in meta, sublimioris gloriæ in patria. His consideratis Gratitudo, Amor, zelus proficiendi in triplici via perfectionis, purus, intensus, constans, insatiabilis excitandus.

II. Quoties, quam ardenter, constanter, insatiabiliter Filius Dei incarnatus 33. annis, & amplius hunc triplicem zelum frequentarit, immo continuarit, omnia quæ fecit, dixit, passus est, in hunc finem peculiariter referendo, æternoque Patri offerendo; ut electi sui omnes & singuli scirent, vellent, possent magnis passibus in stadio perfectionis constanter progredi, & feliciter donum perseverantiæ palmarumq; æternæ gloriæ consequi, idque ex eodem gratuitæ dilectionis affectu. Renouandi ijdem affectus.

III. Quam luculenter & eximie in ultima cœna hunc eundem zelum iam iam à suis per mortem diuellendus exercuerit 1. Lauando pedes discipulorum aqua, mixta, ut credibile est, lacrymis, paratumque se offerendo ad mundandas eorum omniumque, maximè Electorum, animas, profusione vniuersi sanguinis. 2. Verbo & exem-

& exemplo tam suauiter & efficaciter ijs inculcando assiduum exercitium præcipuarum virtutum, maxime humilitatis & fraternalis charitatis. 3. Seipsum illis intimè vniendo per modum cibi & potionis, sicque inuitando eos ad continuum studium intimæ cum Deo vnionis. Affectus ijdem magis inflammandi cum compunctione de nostra tepiditate.

Vel loco huius repeti posset meditatio de Lotione pedum, aut de institutione Venerabilis Sacramenti supra posita; aut præcipua utriusque puncta.

De septimo verbo, & morte Christi. VI.
Luc. 23.

I. **C**lamans voce magna Iesus, ait: *Pater in manus tuas commendabo spiritum meum.* magno clamore vocis, quantumuis esset corpore tam exanguis: at quanto maiore affectu cordis, quanto fiduciæ, amoris & resignationis excessu se in manus Patris tam amabilis sic commendarit tam dilectus Filius! idque, i. Ut ostenderet se non coacte ex infinitate, & spon-